

摘藻堂四庫全書薈要

史部

欽定四庫全書薈要

史部
金史目錄
卷一

詳校官原任侍講臣王燕緒



進金史表

開府儀同三司上柱國錄軍國重事中書右丞相監修
國史領經筵事提調太醫院廣惠司事臣阿魯圖言竊
惟漢高帝入關任蕭何而收秦籍唐太宗即祚命魏徵
隋書蓋歷數歸真主之朝而簡編載前代之事國

可滅事不可滅善吾師惡亦吾師矧夫典故之源流章
程之沿革不披往牒曷蓄前聞維此金源起於海裔以
滿萬之衆橫天下不十年之久專制域中其用兵也如

縱燎而乘風其得國也若置郵而傳令及燭興於禮樂
乃煥有乎聲明嘗循初而汔終因考功而論德非武元
之英畧不足以開九帝之業非大定之仁政不足以固
百年之基天會有吞四海之勢而未有壹四海之規明
昌能成一代之制而亦能壞一代之法海陵無道自取
覆敗宣宗輕動曷濟中興迨夫浚郊多壘之秋汝水飛
煙之日天人屬望久有在矣君臣守義蓋足取焉我太
祖法天啟運聖武皇帝以有名之師而釋奕世之愾以

無敵之仁而收兆民之心勁卒擣居庸闕北拊其背大
軍出紫荆關南搯其吭指顧可成於雋功操縱莫窺於
廟算懲彼取遼之暴容其涉河以遷太宗英文皇帝席
卷雲朔而徇地并營囊括趙代而傳檄齊魯滅夏國以
蹴秦鞏通宋人以偏河淮睿宗仁聖景襄皇帝冒萬險
出饒風長驅年陸戰三峰乘大雪遂定中原太陽出而
燭火燔正音作而衆樂廢爰及世祖聖德神功文武皇帝
恢弘至化勞來遺黎燕地定都撤武靈之舊址遼陽建

省撫肅慎之故墟于時張柔歸金史於其先王鶚輯金
事於其後是以纂修之命見諸敷遺之謀延祐申舉而
未遑天厯推行而弗竟臣阿魯圖誠惶誠懼頓首頓首欽
惟皇帝陛下緝熙聖學紹述先猷當邦家閒暇之時治
經史討論之務念泰和以來之事蹟涉我聖代初興之
歲年太祖受帝號於丙寅先五載而朱鳳應世皇毓聖
質於乙亥蚤一歲而黃河清若此真符昭然成命第以
變故多而舊史闕者艾沒而新說訛弗折衷於大朝恐

失真於他日於是聖心獨斷盛事力行申命臣阿魯圖
以中書右丞相臣別爾怯布哈以中書左丞相領三史
事臣托克托以前中書右丞相仍都總裁臣御史大夫帖
睦爾達世臣中書平章政事賀惟一臣翰林學士承旨
張起巖臣翰林學士歐陽玄臣治書侍御史李好文臣
禮部尚書王沂臣崇文太監楊宗瑞為總裁官臣江西
湖東道肅政廉訪使實喇卜臣江西湖東道肅政廉訪
副使王理臣翰林待制巴延臣國子博士費著臣祕書

監著作郎趙時敏臣太常博士商企翁為史官集衆技
以責成書佇奏篇以覽近監臣阿魯圖仰承隆委俯竭
微勞紬石室之文誠乏司馬遷之作獻金鏡之錄願據
張相國之忠謹撰述本紀十九卷志三十九卷表四卷
列傳七十三卷目錄二卷裝潢成一百三十七帙隨表
以聞上塵天覽無任慚愧戰汗屏營之至臣阿魯圖誠
惶誠懼頓首頓首謹言至正四年十一月日開府議同
三司上柱國錄軍國重事中書右丞相監修國史領經

延事提調太醫院廣惠司臣阿魯圖上表



修金史官員

領三史事開府儀同三司上柱國錄軍國重事中
書右丞相監修國史領經筵事阿魯圖開府儀同
三司上柱國錄軍國重事中書左丞相領經筵事
別爾怯布哈

都總裁開府儀同三司上柱國錄軍國重事前中
書右丞相監修國史領經筵事托克托

總裁官領青榮祿大夫御史大夫知經筵事帖睦

金史卷一百一十五
爾達世光祿大夫中書平章政事知經筵事賀
惟一翰林學士承旨榮祿大夫知制誥兼修國
史張起巖翰林學士資善大夫知制誥同修國
史歐陽玄翰林侍講學士中奉大夫知制誥同
修國史同知經筵事揭傒斯嘉議大夫治書侍
御史李好文正議大夫崇文太監檢校書籍事
楊宗瑞中大夫禮部尚書王沂

纂修官江西湖東道肅政廉訪使實喇卜江西湖

東道肅廉訪副使王理翰林待制奉議大夫兼
國史院編修官巴延奉訓大夫監察御史趙時
敏奉訓大夫國子博士費著承務郎太常博士
商企翁

提調官榮祿大夫中書平章政事知經筵事巴延
榮祿大夫中書右丞知經筵事達世帖睦爾資
德大夫中書左丞董守簡中奉大夫叅議中書
省事索諾木巴勒嘉議大夫叅議中書省事曼濟雅

中大夫叅議中書省事丁元奉議大夫右司郎

中囉囉承德郎右司郎中陳思謙中順大夫左

司郎中曼濟雅中大夫左司郎中何執禮奉訓

大夫左司員外郎倉赤奉訓大夫左司都事趙

公諒朝議大夫吏部尚書邦住通議大夫兵部

尚書李獻正議大夫戶部尚書叅從龍正議大

夫工部尚書路希賢朝散大夫禮部侍郎靳義

亞中大夫刑部郎中顧恕通議大夫僉太常禮

儀院事杜秉彞文林郎翰林國史院都事趙中

欽定四庫全書薈要卷六千二百四十二

金史目錄

本紀十九卷

志三十九卷

表四卷

列傳七十三卷

凡一百三十五卷

卷一

本紀第一

世紀

卷二

本紀第二

太祖

卷三

本紀第三

太宗

卷四

本紀第四

熙宗

卷五

本紀第五

海陵

卷六

本紀第六

世宗上

卷七

本紀第七

世宗中

卷八

本紀第八

世宗下

卷九

本紀第九

章宗一

卷十

本紀第十

章宗二

卷十一

本紀第十一

章宗三

卷十二

本紀第十二

章宗四

卷十三

本紀第十三

衛紹王

卷十四

本紀第十四

宣宗上

卷十五

本紀第十五

宣宗中

卷十六

本紀第十六

宣宗下

卷十七

本紀第十七

哀宗上



卷十八

本紀第十八

哀宗下

卷十九

本紀第十九

世紀補

卷二十

志第一

天文

卷二十一

志第二

歷上

卷二十二

志第三

歷下

卷二十三

志第四

五行

卷二十四

志第五

地理上

卷二十五

志第六

地理中

卷二十六

志第七

地理下

卷二十七

志第八

河渠

卷二十八

志第九

禮一

卷二十九

志第十

禮二

卷三十

志第十一

禮三

卷三十一

志第十二

禮四

卷三十二

志第十三

禮五

卷三十三

志第十四

禮六

卷三十四

志第十五

禮七

卷三十五

志第十六

禮八

卷三十六

志第十七

禮九

卷三十七

志第十八

禮十

卷三十八

志第十九

禮十一

卷三十九

志第二十

樂上

卷四十

志第二十一

樂下

卷四十一

志第二十二

儀衛上

志第十二

志第二十三

儀衛下

卷四十三

志第二十四

輿服

卷四十四

志第二十五

兵

卷四十五

志第二十六

刑

卷四十六

志第二十七

食貨一

卷四十七

志第二十八

食貨二

卷四十八

志第二十九

食貨三

卷四十九

志第三十

食貨四

卷五十

志第三十一

食貨五

卷五十一

志第三十二

選舉一

卷五十二

志第三十三

選舉二

卷五十三

志第三十四

選舉三

卷五十四

志第三十五

選舉四

卷五十五

志第三十六

百官一

卷五十六

志第三十七

百官二

卷五十七

志第三十八

百官三

卷五十八

志第三十九

百官四

卷五十九

表第一

宗室

卷六十

表第二

交聘上

卷六十一

表第三

交聘中

卷六十三

表第四

交聘下

卷六十三

列傳第一

后妃上

始祖明懿皇后

德帝思皇后

安帝節皇后

獻祖恭靖皇后

昭祖威順皇后

景祖昭肅皇后

世祖簡翼皇后

肅宗靖宣皇后

穆宗貞惠皇后

康宗敬僖皇后

太祖聖穆皇后

太祖光懿皇后

太祖欽憲皇后

太祖宣獻皇后

太祖崇妃蕭氏

太祖欽仁皇后

熙宗悼平皇后

海陵嫡母圖克坦氏

海陵母太氏

海陵后圖克坦氏 諸嬖附

卷六十四

列傳第二

后妃下

睿宗欽意皇后

睿宗貞懿皇后

世宗昭德皇后

世宗元妃張氏

世宗元妃李氏

顯宗孝懿皇后

顯宗昭聖皇后

章宗欽懷皇后

章宗元妃李氏

衛紹王后圖克坦氏

宣宗皇后王氏

宣宗明惠皇后

哀宗圖克坦皇后

卷六十五

列傳第三

始祖以下諸子

始祖子幹魯

德帝子博羅

安帝子錫赫特

孫巴連

錫哩布子博諾

錫里庫

獻祖六子

昭祖子烏肯徹

伯赫

玄孫崇成

本名布呼

景祖子噶順

子普嘉努

滿丕子滿都布

們圖琿

世祖子威泰

烏色子宗永

烏哲

孫璋

昂

本名烏達
子正嘉

卷六十六

列傳第四

始祖以下諸子

穆宗子昂

本名烏頁
子崇秀

康宗子威赫

宗室呼實默

和卓

子布呼

果布

裏

本名綽哈

齊

本名素赫

珠嚕

呼實哈

宗賢 本名阿嚕

達蘭

卞 本名鄂摩

膏 本名頗哩埒

夾 本名三寶

愛實

卷六十七

列傳第五

錫馨

和諾克 弟薩克達

烏春

溫都布 拉附

拉必 弟瑪察

通恩

埒克

阿蘇

奚王和勒博

卷六十八

列傳第六

罕都

子默音

伊克

子阿里布

固納

額爾古訥

芬徹

卷六十九

列傳第七

太祖諸子

宗烏

本名額爾袞

宗傑

本名穆里延

宗強

本名阿嚕

奕

本名阿林

克寶

阿蘇

宗敏

本名阿里布

元

本名常勝

卷七十

列傳第八

薩哈

宗憲

本名阿蘭

希卜蘇

宗亨

本名托卜嘉

宗賢

本名色哩

實圖美

忠

本名都古嚕訥

實實

思敬

本名薩哈

卷七十一

列傳第九

幹魯

烏楞古貝勒

博勒和

烏哲庫

棟摩

宗叙
本名德壽

卷七十二

列傳第十

羅索

和尼

默音

仲
本名實古納

哈里

尼楚赫

古雲
本名達蘭

烏色

巴爾斯

賓古納

卷七十三

列傳第十一

阿里罕

晏 本名鄂倫

宗尹 本名阿里罕

宗寧 本名阿多古

宗道 本名巴克實

宗雄 本名摩羅歡

阿林

安塔哈

希尹 本名古紳

守貞 本名蘇頁

守能

本名呼喇

卷七十四

列傳第十二

宗翰

本名尼堪
孫色克

宗望

本名斡里雅不
子齊京文

卷七十五

列傳第十三

盧彥倫

子璘孫
享嗣

毛子廉

李三錫

孔敬宗

李師夔

沈璋

左企弓

虞仲文

曹勇義康公弼附

左泌

弟淵姪光慶

卷七十六

列傳第十四

太宗諸子

宗磐

本名富勒呼

宗固

本名呼嚕

宗本

本名阿嚕蕭王附

杲

本名舍音

宗義

本名博濟

宗幹

本名幹布

充

本名實圖美
子塔納等

永元

本名元努

充

本名梧桐

襄

本名永慶

袞

本名富勒堅

卷七十七

列傳第十五

宗弼

本名烏珠

亨

本名伯特

張邦昌

劉豫

達蘭

卷七十八

列傳第十六

劉彥宗

劉崇

劉筈

劉仲誨

劉頴

時立愛

韓企先

子鐸

卷七十九

列傳第十七

鄺瓊

李成

孔彥舟

徐文

施宜生

張中孚

張中彥

宇文虛中

王倫

卷八十

列傳第十八

熙宗二子

濟安

道濟

錫默阿里

托克索

烏雅富埒琿

持嘉暉

大臭

本名托卜嘉

磐

本名富色克

阿里布

子方

卷八十一

列傳第十九

赫木頗

德克德

額圖琿

瓜爾佳實訥

珠勒根穆都哩

洪果達呼布

富察和珍

瓜爾佳沃哩布

王伯龍

高彪

溫特赫拉塔

伯特德哩布

耶律懷義

蕭旺嘉努

田顥

趙賊

卷八十二

列傳第二十

郭藥師

子安國

耶律圖善

烏雅呼爾哈

烏雅沃哩布

蕭恭

完顏希卜蘇

赫舍哩呼喇

耶律恕

郭企忠

烏蘇額琳

延扎們都

布薩歡塔

鄭建充

烏庫哩薩哈

伊喇溫

蕭仲恭

蕭仲宣

高松

海陵諸子

光英

元壽

舒蘇鄂博

廣陽

卷八十三

列傳第二十一

張通古

張浩

張汝霖

張玄素

張汝弼

耶律安禮

納哈塔椿年

祁宰

卷八十四

列傳第二十二

杲

本名薩里罕

諾延溫都思忠

子伊德

溫都烏達

昂

本名瑣都

高楨

白彥敬

張景仁

卷八十五

列傳第二十三

世宗諸子

永中

永蹈

永功子璿

永德

永成

永升

卷八十六

列傳第二十四

李石

子獻可

完顏福壽

通吉義

烏雅富埒赫

烏雅普霞努

烏雅扎拉

李師雄

尼瑪哈楚呼

富珠哩定方

瓜爾佳呼喇

富察鄂倫

瓜爾佳扎拉

卷八十七

列傳第二十五

赫舍哩志寧

布薩忠義

圖克坦喀齊喀

卷八十八

列傳第二十六

赫舍哩良弼

完顏守道

本名實納埒

石琚

唐古安禮

伊喇道

本名趙三
子光祖

卷八十九

列傳第二十七

蘇保衡

翟永固

魏子平

孟浩 田穀附

梁肅

伊喇燧

伊喇子敬

卷九十

列傳第二十八

趙元

伊喇道

本名按

高德基

馬諷

完顏鄂博庫

劉微柔

賈少冲

子益

伊喇鄂爾多

珠勒根彥忠

張九思

高衍

楊邦基

丁瑋仁

卷九十一

列傳第二十九

完顏薩哈

龐迪

溫特赫伊蘇瑪勒

賈圖美

伊喇成

舒穆魯

楊仲武

富察世傑

本名阿薩爾

蕭懷忠

伊喇諳達

富珠哩阿老罕

趙興祥

舒穆榮

敬嗣暉

卷九十二

列傳第三十

毛碩

李上達

曹望之

大懷貞

盧孝儉

盧庸

李僊

圖克坦克寧

本名錫齡香

卷九十三

列傳第三十一

顯宗諸子

琮

瓌

從彛

從憲

玠

章宗諸子

洪裕

洪靖

洪熙

洪衍

洪輝

德里

衛紹王子

從恪

宣宗三子

莊獻太子

玄齡

守純

通吉思忠

承裕

布薩揆

穆延薩克達

宗浩

卷九十四

列傳第三十二

瓜爾佳清臣

內族襄

瓜爾佳衡

完顏安國

裕爾伯特

卷九十五

列傳第三十三

伊喇履

張萬公

富察通

鈕祜祿額特圻

程輝

劉瑋

董師古

王蔚

馬惠迪

馬琪

楊伯通

尼瑪哈鑑

卷九十六

列傳第三十四

黃久約

李晏

李仲畧

李愈

王賁

許安仁

梁襄

路伯達

卷九十七

列傳第三十五

費摩亨

沃呀忠

張大節

子巖叟

張亨

韓錫

鄧儼

巨構

賀揚庭

閻公貞

焦旭

劉仲洙

李完

馬百祿

楊伯元

劉璣

兄琬

康元弼

伊喇益

卷九十八

列傳第三十六

完顏匡

本名蘇色

完顏綱

本名元努

完顏鼎努

卷九十九

列傳第三十七

圖克坦鎰

賈鉉

孫鐸

孫即康

李革

卷一百

列傳第三十八

孟鑄

宗瑞修

完顏閭山

路鐸

完顏伯嘉

珠格筠壽

張煒

高竑

李復亨

卷一百一

列傳三十九

承暉

本名福興

穆延盡忠

布薩端

本名齊錦

耿端義

李英

富珠哩德裕

烏庫哩慶壽

卷一百二

列傳第四十

布薩安貞

田琢

完顏弼

蒙古綱

必喇阿魯岱

卷一百三

列傳第四十一

完顏仲元

完顏阿林

完顏霆

烏庫哩長壽

完顏佐

舒穆魯仲溫

烏庫哩禮

富察阿里

鄂屯襄

完顏富拉塔

瓜爾佳錫爾格

珠嘉臣嘉

赫舍哩和勒

完顏伊爾必斯

完顏特爾格

納喇呼喇勒

卷一百四

列傳第四十二

納塔謀嘉

鄒谷

高霖

孟奎

烏凌阿與

郭侯

溫特赫達

王擴

伊喇富森

鄂屯忠孝

富察思忠

赫舍哩呼實默

完顏寓

沃呼哈達

富察伊埒圖

卷一百五

列傳第四十三

程霖

任熊祥

孔璠

子極

范拱

張用直

劉樞

王脩

楊伯雄

兄伯淵

蕭貢

溫特赫提克德

張翰

任天寵

卷一百六

列傳第四十四

張暉

張行簡

賈益謙

劉炳

珠格高琪

伊喇托卜嘉

卷一百七

列傳第四十五

高汝礪

張行信

卷一百八

列傳第四十六

胥鼎

侯摯

巴古喇

師安石

卷一百九

列傳第四十七

完顏蘇呼

陳規

許古

卷一百一十

列傳第四十八

楊雲翼

趙秉文

韓玉

馮璧

李獻甫

雷淵

程震

卷一百一十一

列傳第四十九

瓜爾佳實倫

內族額爾克

薩哈連

強伸

烏凌阿呼圖

內族色埒

赫舍哩約赫德

卷一百一十二

列傳第五十

完顏哈達

伊喇布哈

卷一百一十三

列傳第五十一

完顏薩布

博索
一名承裔

卷一百一十四

列傳第五十二

白華

錫默愛實

哈昭附

舒穆魯世勣

卷一百一十五

列傳第五十三

完顏納新

崔立

聶天驥

持嘉烏新

卷一百一十六

列傳第五十四

圖克坦烏登

實嘉紐勒琿

富察官努

內族承立

一名慶善努

卷一百一十七

列傳第五十五

圖克坦伊都

鈕祜祿經實

劉均附

王賓

王進等附

國用安

時青

卷一百一十八

列傳第五十六

苗道潤

王福

伊喇重嘉努

武仙

張甫

靖安民

郭文振

胡天作

張開

燕寧

卷一百一十九

列傳第五十七

鈕祜祿納新

劉天起附

完顏羅索

烏庫哩鎬

張天綱

完顏仲德

卷一百二十

列傳第五十八

世戚

實嘉努

費摩達

呼敦

圖克坦恭

烏庫哩富勒呼

唐古德溫

烏庫哩尼瑪哈

富察額古德

烏凌阿暉

富察鼎壽

圖克坦思忠

圖克坦繹

烏凌阿復

烏庫哩元忠

子誼

唐古貢

烏凌阿琳

圖克坦公弼

圖克坦銘

圖克坦四喜

卷一百二十一

列傳第五十九

忠義一

華沙布

特庫雅

布古德

綽哈附

鈕祜祿罕努

曹珪

溫特赫布敦

鶴壽等附

額哩頁

閔孫史大等附

納喇綽奇

魏全

珊延

實古納附

瓜爾佳守中

舒穆魯元毅

伯特梅和尚

烏克遜溫屯

高守約

哈薩喇安禮

王維翰

伊喇古尼

宋宸

烏庫哩榮祖

烏庫哩仲溫

玖珠 布格蘇附

李演

劉德基

王毅

斗斗附

王晦

齊鷹揚

楊敏中張乞驢等附

珠嘉佛新

伊扎爾等附

高錫

卷一百二十二

列傳第

忠義二

吳僧格

烏庫哩得升

張順

馬驤

伯特烏格

鄂屯醜和尚

蘇爾坦

郭用附

富珠哩福壽

吳邦傑

納哈塔富拉塔

鈕祜祿恩楚

王謹附

時茂先

溫特赫老爾

梁持勝

賈邦憲

伊喇阿里哈

孔祖湯附

完顏祿錦

赫舍哩鶴壽

富察羅索

鈕祜祿資祿

趙益

侯小叔

王佐

洪果玖珠

烏凌阿奇珠

圖們色埒默

尼瑪哈富勒呼

烏雅威赫

烏雅恩徹亨

鈕祜祿貞

卷一百二十三

列傳第六十一

忠義三

圖克坦航

完顏陳和尚

楊沃衍

劉興哥附

烏庫哩黑漢

圖們呼圖克們

姬汝作

愛新

馬肩龍附

禹顯

張邦憲等附

卷一百二十四

列傳第六十二

忠義四

馬慶祥

胥謙等附

商衡

珠嘉托羅海

揚達夫

馮延登

烏克遜仲端

烏克遜納新

阿固位等附

富察琦

蔡巴爾

毛拴等附

溫都察孫

納塔和碩台附

完顏經實

畢資倫

郭哈瑪爾

卷一百二十五

列傳第六十六

文藝上

韓昉

蔡松年

子珪

吳激

馬定國

任詢

趙可

郭長倩

蕭永祺

胡礪

王競

楊伯仁

鄭子珉

黨懷英

卷一百二十六

列傳第六十四

文藝下

趙沨

周昂

王庭筠

劉昂

李經

劉從益

呂中孚

張建附

李純甫

王欽

宋九嘉

龐鑄

李獻能

王若虛

王元節

麻九疇

李汾

元德明

子好問

卷一百二十七

列傳第六十五

孝友

溫特赫鄂勒博

陳顏

劉瑜

孟興

王震

劉政

隱逸

褚承亮

王去非

趙質

杜時昇

郝天挺

薛繼先

高仲振

張潛

王汝梅

宋可

辛愿

王予可

卷一百二十八

列傳第六十六

循吏

盧克忠

牛德昌

范承吉

王政

張奕

李瞻

劉敏行

傅慎微

劉煥

高昌福

孫德淵

趙鑑

富察鄭留

鈕祜祿守愚

舒穆魯元

張磬

趙重福

武都

赫舍哩德

張特立

王浩

卷一百二十九

列傳第六十七

酷吏

高閭山

富察和卓

佞倖

蕭肆

張仲軻

李通

馬欽

高懷貞

蕭裕

胥持國

卷一百三十

列傳第六十八

列女

阿林妻

李寶信妻

韓慶民妻

雷婦師氏

康珠珠

李文妻

李英妻

相琪妻

阿爾占

薩哈連妻

許古妻

馮妙真

富察氏

烏庫哩氏

蘇呼妻

莽格妻

尹氏

白氏

聶孝女

仲德妻

寶符李氏

張鳳奴附

列傳第六十九

宦者

梁琬

宋珪

潘守恒附

方技

劉完素

張從正

李慶嗣

紀天錫

素元素

馬貴中

武楨

子元

李懋

胡德新

卷一百三十二

列傳第七十

逆臣

秉德

本名伊遜

唐古辨

烏達

大興國

圖克坦額呼楚克

布薩思恭

本名呼圖

圖克坦貞

李老僧

完顏元宜

赫舍哩執中

本名呼沙

卷一百三十三

列傳第七十一

叛臣

張覺

子僅言

耶律伊都

伊喇幹罕

卷一百三十四

列傳第七十二

外國上

西夏

卷一百三十五

列傳第七十三

外國下

高麗

國語解

附

金九帝起太祖收國元年乙未盡哀宗天興

三年甲午百二十年

臣等謹案金史一百三十五卷元托克托等奉勅撰凡紀十九卷表四卷列傳七十三卷金人肇基東海奄有中原制度典章彬彬為盛徵文考獻具有所資且元人於此書經營已久與宋遼二史取辦倉卒者不同故其首尾完密條例整齊約而不疎贍而不蕪在三史之中獨為最善如載世紀於卷首而列景

宣帝睿宗顯宗於世紀補則酌取魏書之例
歷志則采趙知微之大明歷而兼考渾象之
存亡禮志則擬韓企先等之大金集禮而兼
及雜儀之品節河渠志之詳於二十五埽百
官志之首叙建諸官箴本本元元具有條理
食貨志則因物力之微而歎其初法之不慎
選舉志則因令史之正班而推言仕進之未
弊交聘表則數宋人三失而惜其不知守險

不能自強皆切中事機意存殷鑒卓然有良
史之風惟列傳中頗多疎舛如楊朴佐太祖
開基見於遼史而不為立傳晉王宗翰之上
書乞免見北盟會編潘王宗弼之遺令處分
見建炎以來繫年要錄皆有闕國政而本傳
不書皆乖體例至昌本之南走施宜生之泄
謀宇文虛中之謗訕傳聞異辭皆未能核定
亦由於祇據實錄未暇旁考諸書然宋史載

兩國兵事多採撫宋人所記不免浮詞如采
石之戰其時海陵士卒聞大定改元離心自
潰虞允文攘以為功殊非事實此書所載獨
得其真泰和以後諸臣傳尤能悉其情事蓋
好問等得諸目睹與傳聞異辭者殊也乾隆
四十九年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷六千二百四十三

金史卷一

元中書右丞相總裁托克托等修

本紀第一

世紀

金之先出靺鞨氏靺鞨本號勿吉勿吉古肅慎地也元魏時勿吉有七部曰粟末部曰博綽部曰思徹亭部曰佛寧部曰哈沙部曰黑水部曰白山部隋稱靺鞨而七

部並同唐初有黑水靺鞨粟末靺鞨其五部無聞粟末靺鞨始附高麗姓大氏李勣破高麗粟末靺鞨保東牟山後為渤海稱王傳十餘世有文字禮樂官府制度有五京十五府六十二州黑水靺鞨居肅慎地東瀕海南接高麗亦附於高麗嘗以兵十五萬衆助高麗拒唐太宗敗於安市開元中來朝置黑水府以部長為都督刺史置長史監之賜都督姓李氏名獻誠領黑水經略使其後渤海盛強黑水役屬之朝貢遂絕五代時契丹盡

取渤海地而黑水靺鞨附屬於契丹其在南者籍契丹
號熟女直其在北者不在契丹籍號生女直生女直地
有混同江長白山混同江亦號黑龍江所謂白山黑水
是也金之始祖諱函普初從高麗來年已六十餘矣兄
阿庫納好佛留高麗不肯從曰後世子孫必有能相聚
者吾不能去也獨與弟博和哩俱始祖居完顏部布爾
罕水之涯博和哩居扎蘭其後呼實默以哈斯罕歸太
祖自言其祖兄弟三人相別而去盖阿庫納之後實圖

美都古魯訥博和哩之裔也及太祖敗遼兵於境上獲
耶律色實乃使梁福額特埒招諭渤海人曰女直渤海
本同一家蓋其初皆勿吉之七部也始祖至完顏部居
久之其部人嘗殺它族之人由是兩族交惡鬪不能
解完顏部人謂始祖曰若能為部人解此怨使兩族不
相殺部有賢女年六十而未嫁當以相配仍為同部始
祖曰諾迺自往諭之曰殺一人而鬪不解損傷益多曷
若止誅首亂者一人部內以物納償汝可以無鬪而且

獲利焉怨家從之乃為約曰凡有殺傷人者徵其家人
口一馬十偶犝牛十黃金六兩與所殺傷之家即兩解
不得私鬪曰謹如約女直之俗殺人償馬牛三十自此
始既備償如約部衆信服之謝以青牛一并許歸六十
之婦始祖乃以青牛為聘禮而納之并得其貲產後生
二男長烏嚕次幹魯一女卓克索巴自是遂為完顏部
人天會十四年追諡景元皇帝廟號始祖皇統四年號
其藏曰光陵五年增諡始祖懿憲景元皇帝子德帝諱

烏魯天會十四年追諡德皇帝皇統四年號其藏曰熙陵五年增諡淵穆玄德皇帝子安帝諱巴哈天會十四年追諡安皇帝皇統四年號其藏建陵五年增諡和靖慶安皇帝子獻祖諱綏赫黑水舊俗無室廬負山水坎地梁木其上覆以土夏則出隨水草冬則入處其中遷徙不常獻祖乃徙居海古勒水耕墾樹藝始築室有棟宇人呼其地為額訥格爾額訥格爾者漢語居室也自此遂定居于阿勒楚喀水之側矣天會十四年追諡定

昭皇帝廟號獻祖皇帝統四年號其藏曰輝陵五年增謚
獻祖純烈定昭皇帝子昭祖諱舒嚕剛毅質直生女直
無書契無約束不可檢制昭祖欲稍立條教諸父部人
皆不悅欲坑殺之已被執叔父錫里庫知部衆將殺昭
祖曰吾兄子賢人也必能承家安輯部衆此輩柰何輒
欲坑殺之亟往彎弓注矢射于衆中劫執者皆散走昭
祖乃得免昭祖稍以條教為治部落寢強遼以特哩袞
官之諸部猶以舊俗不肯用條教昭祖耀武至于青頡

白山順者撫之不從者討伐之入於蘇北扎蘭之地所
至皆克捷還經佛頁水昭祖惡其地名類禽鳥所居雖
已困憊不肯止行至古哩甸得疾迨夜寢于村舍有盜
至遂中夜起行至巴喇濟村止焉是夕卒載柩而行遇
賊於路奪柩去部衆追賊與戰復得柩瓜爾佳部人富
呼復來襲垂及富呼問諸路人曰舒嚕柩去此幾何其
人曰遠矣追之不及也富呼遂止於是乃得歸葬焉生
女直之俗至昭祖時稍用條教民頗聽從尚未有文字

無官府不知歲月晦朔是以年壽脩短莫得而考焉天
會十五年追諡成襄皇帝廟號昭祖皇統四年藏號安
陵五年增諡昭祖武惠成襄皇帝子景祖諱烏古剌遼
太平元年辛酉歲生自始祖至此六世矣景祖稍役屬
諸部自白山頁赫圖們扎蘭托卜古倫之屬以至五國
之長皆聽命是時遼之邊民有逃而歸者及遼以兵徙
圖埒烏合之民圖埒烏合多不肯徙亦逃而來歸遼使
赫魯林牙將兵來索逋逃之民景祖恐遼兵深入盡得

山川道路險易或將圖之乃以計止之曰兵若深入諸部必驚擾變生不測遁戶亦不可得非計也赫魯以為然遂止其軍與赫魯自行索之是時鄰部雖稍從海蘭水烏凌阿部錫馨尚拒阻不服攻之不克景祖以計告遼主遼主遣使責讓錫馨錫馨乃遣其子頗克綽歡入朝遼主厚賜遣還其後錫馨與頗克綽歡見遼主於春蒐遼主留錫馨於邊地而遣頗克綽歡還所部景祖之謀也既而五國佛寧部節度使巴哩美叛遼鷹路不通

遼人將討之先遣通肯來諭旨景祖曰可以計取若用兵彼將走保險阻非歲月可平也遼人從之蓋景祖終畏遼兵之入其境也故自以為功於是景祖陽與巴哩美為好而以妻子為質襲而擒之獻於遼主遼主召見於寢殿燕賜加等以為生女直部族節度使遼人呼節度使為太師金人稱都太師者自此始遼主將刻印與之景祖不肯繫遼籍辭曰請俟他日遼主終欲與之遣使來景祖詭使部人揚言曰主公若受印繫籍部人必

殺之用是以拒之遼使乃還既為節度使有官屬紀綱
漸立矣生女直舊無鐵鄰國有以甲冑來鬻者傾貲厚
賈以與貿易亦令昆弟族人皆售之得鐵既多因之以
修弓矢備器械兵勢稍振前後願附者衆鄂敏水富察
部特克克紳特布水完顏部圖們水溫特赫部舍音水完
顏部相繼來附景祖為人寬恕能容物平生不見喜愠
推財與人分食解衣無所吝惜人或忤之亦不念先時
有叛去者遣人諭誘之叛者曰汝主和鑾也和鑾吾能

獲之吾豈能為和鑾屈哉和鑾漢語慈烏也北方有之
狀如大鷄善啄物見牛馬橐駝脊間有瘡啄其脊間食
之牛馬輒死若飢不得食雖砂石亦食之景祖嗜酒好
色飲啗過人時人呼曰和鑾故彼以此訛之亦不以介
意其後訛者力屈來降厚賜遣還海蘭水有率衆降者
錄其歲月姓名即遣去俾復其故人以此益信服之遼
咸雍八年五國穆延部蘇頁貝勒叛遼鷹路不通景祖
伐之蘇頁來禦景祖被重鎧率衆力戰蘇頁兵敗走巴

喇密特灤時方十月冰忽解蘇頁不能軍衆潰去乃旋
師道中遇逋亡要遮險阻晝夜拒戰比至部已憊即往
見遼邊將達嚕噶自陳敗蘇頁功行次拉林水未見達
嚕噶疾作而復卒於家年五十四天會十四年追謚惠
桓皇帝廟號景祖皇統四年藏號定陵五年增謚景祖
英烈惠桓皇帝第二子襲節度使是為世祖諱和哩布
生女直之俗生子年長即異居景祖九子元配唐古氏
生和卓次世祖次嚕順次肅宗次穆宗及當異居景祖

曰和卓柔和可治家務和哩布有器量智識何事不成
噶順亦柔善人耳乃命和卓與世祖同居噶順與肅宗
同居景祖卒世祖繼之世祖卒肅宗繼之肅宗卒穆宗
繼之穆宗復傳世祖之子至於太祖竟登大位焉世祖
遼重熙八年己卯歲生遼咸雍十年襲節度使景祖異
母弟伯赫有異志世祖慮其為變不使將兵但為部長
伯赫遂誘和諾克薩克達烏春烏本軍為亂及問諸部
使貳于世祖世祖猶欲撫慰之語在伯赫和諾克等傳

中世祖嘗買爪爾佳部鍛工鄂博台被甲九十烏春欲託此以為兵端世祖還其甲語在烏春傳部中有流言曰欲生則附於伯赫欲死則附於和哩布頗拉淑世祖聞之疑焉無以察之乃佯為具裝欲有所往者陰遣人揚言曰寇至部衆聞者莫知虛實有保於伯赫之室者有保於世祖之室者世祖乃盡得兄弟部屬向背彼此之情矣間數年烏春來攻世祖拒之時十月己半大雨累晝夜冰澌覆地烏春不能進乃悔曰此天也引兵去

烏春舍於阿勒哈村卓巴納家而以兵圍其弟雙寬於
赫柏村兵退雙寬執其兄卓巴納而請泣殺于世祖且
請免其孥戮從之和諾克薩克達亦舉兵遣肅宗拒之
當是時烏春兵在北和諾克兵在南其勢甚盛戒之曰
可和則和否則戰肅宗兵敗會烏春以久雨解去世祖
乃以偏師涉舍琿水經特克水覆和諾克薩克達之家
明日大霧晦冥失道至摩多圖水乃覺即還至舍琿特
克之間升高阜望見六騎來大呼馳擊之世祖射一人

斃生獲五人問之則布呼薩克蘇使助和諾克薩克達者也世祖至和諾克薩克達所居焚其家殺百許人舊將主保亦死之比世祖還與肅宗會肅宗兵又敗世祖以失利讓肅宗遣人議和和諾克薩克達曰以爾英格之大赤馬希卜蘇之紫騮馬與我則和二馬皆女直名馬不許和諾克薩克達會諸部來攻過費摩部以其附於世祖也縱火焚之富察部沙津貝勒呼卜圖貝勒使愛實來告難世祖使之詭從以自全曰戰則以旗鼓自

別遂往禦和諾克之衆將行有報者曰伯赫食於愛妾
之父家肉脹咽死矣乃遣肅宗求援於遼即率衆出使
希卜蘇取海古勒兄弟兵則知海古勒兄弟已貳於和
諾克矣欲併取其衆徑往偵者報曰敵已至將戰世祖
戒希卜蘇曰汝先設陣於托果原待吾三揚旗三鳴鼓
即棄旗決戰死生唯在今日使費摩呼實牽大紫騮馬
以為貳馬疾馳至陣時和諾克薩克達軍盛強世祖軍
吏未戰而懼皆植立無人色世祖揚揚如平常亦無責

讓之言但令士卒解甲少憇以水沃面調麪水飲之有
項訓勵之軍勢復振乃避衆獨引穆宗執其手密與之
言曰今日之事若勝則己萬一有不勝吾必無生汝今
介馬遙觀勿預戰事若我死汝勿收我骨勿顧戀親戚
亟馳馬奔告汝兄頗拉淑于遼繫籍受印乞師以報此
讐語畢袒袖不被甲以緼袍垂襴護前後心韞弓提劍
三揚旗三鳴鼓棄旗搏戰身為軍鋒突入敵陣衆從之
希卜蘇從後奮擊大敗之乘勝逐之自安巴彎至于北

隘甸死者如仆麻摩多圖水水為之赤棄車甲馬牛軍
實盡獲之世祖曰今日之捷非天不能及此亦可以知
足矣雖繼之去敗軍之氣沒世不振乃引軍還世祖視
其戰地馳突成大路濶且三十隴手殺九人自相重積
人皆異之和諾克薩克達自此不復能聚各以其屬來
降遼大安七年也初和諾克兄弟之變博都哩部布呼
富察部薩克蘇助之至是招之不來布呼之黨舒魯遂
殺布呼來降薩克蘇追躡亡者道傍人潛射之中口而

死自是舊部悉歸景祖時烏呼部人博諾來屬及是有
他志會其家失火因以縱火誣軍都世祖徵償如約博
諾不自安遂結烏春烏木罕舉兵使肅宗與戰敗之獲
博諾世祖獻之於遼拉必瑪察侵掠野居女直畧拉林
水牧馬世祖擊之中四創久之疾愈拉必等復畧穆宗
牧馬交結諸部世祖復伐之拉必等紹降乃旋拉必得
古哩甸兵百十有七人據穆稜水守險錫磬子頗克綽
歡亦在其中世祖克之盡獲古哩甸兵瑪察遁去遂擒

拉必及頗克綽歡皆獻之遼既而復請之遼人與之并以前後所獻罪人歸之罕都破烏春等於實都古實巴克實皆就擒世祖自將與罕都合兵嶺東諸軍皆至是時烏春已前死烏木罕請於遼願和解既與和復來襲乃進軍圍之烏木罕棄城遁去破其城盡俘獲之以功差次分賜諸軍城始破議渠長生殺衆皆長跪遼使者在坐忽一人佩長刀突前咫尺謂世祖曰勿殺我遼使及左右皆走匿世祖色不少動執其人之手語之曰吾

不殺汝也於是罰左右匿者曰汝等何敢失次耶罰既已乃徐使執突前者殺之其膽勇鎮物如此師還寢疾遂篤元娶納喇氏哭不止世祖曰汝勿哭汝惟後我一歲耳肅宗請後事曰汝惟後我三年肅宗出謂人曰吾兄至此亦不與我好言乃叩地而哭俄呼穆宗謂曰烏雅舒善柔若辦集契丹事阿固達能之遼大安八年五月十五日卒襲位十九年年五十四明年納喇氏卒又明年肅宗卒肅宗病篤歎曰我兄真多智哉世祖天性

嚴重有智識一見必識暫聞不忘凝寒不縮栗動止不
回顧每戰未嘗被甲先以夢兆候其勝負嘗乘醉騎驢
入室中明日見驢足跡問而知之遂不復飲酒襲位之
初內外潰叛締交為寇世祖因敗為功變弱為強既破
和諾克薩克達烏春烏木罕基業自此大矣天會十五
年追諡聖肅皇帝廟號世祖皇統四年號其藏曰永陵
五年增諡世祖神武聖肅皇帝母弟頗拉淑襲節度使
景祖第四子也是為肅宗遼重熙十一年壬午歲生在

父兄時號國相國相之稱不知所始初雅達為國相雅達者和諾克薩克達之父也景祖以幣馬求於雅達而命肅宗為之肅宗自幼機敏善辯當其兄時身居國相盡心匡輔時叔父伯赫有異志及和諾克薩克達烏春烏木罕錫馨父子拉必瑪察作難每用兵肅宗獨當一面尤能知遼人國政人情凡有遼事一切委之肅宗專心焉凡白事於遼官皆令遠跪陳辭譯者傳致之往往為譯者錯亂肅宗欲得自前委曲言之故先不以實告

譯者譯者惑之不得已引之前使自言乃以草木瓦石
為籌枚數其事而陳之官吏聽者皆愕然問其故則為
卑辭以對曰鄙陋無文故如此官吏以為實然不復疑
故所訴無不如意和諾克薩克達之戰部人賽罕死之
其弟和鑾陰懷忿怨一日忽以劍脊置肅宗頂上曰吾
兄為汝輩死矣劉汝以償則如之何久之因其兄柩至
遂怒而攻希卜蘇希卜蘇走避之攻肅宗于家矢注次
室之裙著于門扉復攻罕都罕都束甲拒于室中既不

能入持其門旃而去往附博諾博諾誘烏春兵度嶺世祖與遇于蘇素海甸世祖曰予昔有異夢今不可親戰若左軍中有力戰者則大功成矣命肅宗及色埒默希卜蘇與戰肅宗下馬名呼世祖復自呼其名而言曰若天助我當為衆部長則今日之事神祇監之語畢再拜遂炷火束緼項之大風自後起火益熾是時八月并靑草皆焚之煙焰漲天我軍隨煙衝擊大敗之遂獲博諾囚而獻諸遼并獲和鑾肅宗釋其罪左右任使之後竟

得其力焉大安八年自國相襲位是時瑪察尚據哲克

依水繕完營堡誘納亡命招之不聽遣康宗伐之太祖

以別軍取瑪察家屬錡釜無遺既獲瑪察殺之獻馘于

遼屯水民來附二年癸酉遣太祖以偏師伐尼瑪哈部

刷水穆哩罕村伯赫布爾噶平之自是寇賊皆息三年

八月肅宗卒天會十五年追諡穆憲皇帝皇統四年藏

號泰陵五年贈諡肅宗明睿穆憲皇帝母弟穆宗諱英

格字頗魯溫景祖第五子也南人稱揚割太師又曰揚

割追諡孝平皇帝號穆宗又曰揚割號仁祖金代無號
仁祖者穆宗諱英格諡孝平英近揚格近割南北音訛
遼人呼節度使為太師自景祖至太祖皆有是稱凡叢
言松漠記張棟金志等書皆無足取穆宗遼重熙二十
一年癸巳歲生肅宗時擒瑪察遼命穆宗為詳袞大安
十年甲戌襲節度使年四十二以兄和卓子薩哈為國
相三年丙子唐古部巴噶貝勒與溫都部人巴圖有舊
巴噶以事往巴圖殺巴噶使太祖率師伐巴圖巴圖亡

去追及殺之錫馨水赫舍哩部阿蘇穆都哩阻兵為難
穆宗自將伐阿蘇薩哈以偏師攻通恩城拔之阿蘇初
聞來伐乃自往訴于遼遂留和卓守阿蘇城穆宗乃還
會屯水圖魯庫水赫舍哩部阿勒班及舒魯阻五國鷹
路執殺遼捕鷹使者遼詔穆宗討之阿勒班等據險立
柵方大寒乃募善射者操勁弓利矢攻之數日入其城
出遼使存者數人俾之歸圖們琿春水之交烏庫哩部
埒克卓多與蘇伯水烏庫哩達薩塔起兵穆魯密斯罕

城訥格納之子通思亦亡去於是兩黨作難八月薩哈
為都統希卜蘇鄂蘭哈瑪爾威泰副之以伐埒克卓多
烏塔等們圖琿實圖美伐達薩塔薩哈欲先平邊地城
堡或欲先取埒克莫能決乃命太祖往通思將援埒克
乘們圖琿兵未集而攻之實圖美軍既與們圖琿會迎
擊通思大敗之降穆魯密斯罕城獲通思達薩塔釋弗
殺太祖度佛寧嶺與薩哈會攻破埒克城埒克已先往
遼矣盡殺其城中渠長還圍烏塔城烏塔先已亡在外

城降於軍卓多亦降於普嘉努於是撫寧諸路如舊時
太祖因致穆宗教圖們琿春葉赫錫馨四路及嶺東諸
部自今勿復稱都部長命雙寬綽哈等撫定伊勒呼嶺
綽滿水之西部諸居民又命威泰及偏裨悉平二額訥
斯琿二思楚等路寇盜而還七年庚辰和卓尚守阿蘇
城穆都哩來降阿蘇猶在遼遼使使來罷兵未到穆宗
使烏凌阿舒嚕往佐和卓戒之曰遼使來罷兵但換我
軍衣服旗幟與阿蘇城中無辨勿令遼使知之因戒和

卓曰遼使可以計却勿聽其言遽罷兵也遼使果來罷
兵穆宗使富察部呼魯貝勒密遜貝勒與俱至阿蘇城
和卓見遼使詭謂呼魯密遜曰我部族自相攻擊于汝
等何事誰識汝之太師乃援槍刺殺呼魯密遜所乘馬
遼使驚駭遽走不敢回顧徑歸居數日破其城達呼布
還自遼在城中執而殺之阿蘇復訴于遼遼遣奚節度
使伊里來穆宗至拉林水興克村見伊里問阿蘇城事
命穆宗曰凡攻城所獲存者復與之不存者備償且徵

馬數百匹穆宗與遼佐謀曰若償阿蘇則諸部不復可
號令任使也乃令矩威圖塔兩水之民陽為阻絕鷹路
復使都古德部節度使言於遼曰欲開鷹路非生女直
節度使不可遼不知其為穆宗謀也信之命穆宗討阻
絕鷹路者而阿蘇城事遂止穆宗聲言平鷹路乃畋於
屯水而歸是歲埒客來降八年辛巳遼使使特賜物來
賞平鷹路之有功者九年壬午使普嘉努以遼賜給矩
威圖塔之民且修鷹路而歸冬蕭哈里叛入於係案女

直阿克占部遣其族人額特埒來結和曰願與太師為友
同往伐遼穆宗執額特埒會遼命穆宗捕討哈里穆宗
送額特埒于遼募軍得甲千餘女直甲兵之數始見於
此蓋未嘗滿千也軍次混同水蕭哈里再使人來復執
之既而與哈里遇哈里遙問曰我使者安在對曰與後
人偕來哈里不信是時遼追哈里兵數千人攻之不能
克穆宗曰遼將曰退爾軍我當獨取哈里遼將許之太
祖策馬突戰流矢中哈里首哈里墮馬下執而殺之大

破其軍使鄂蘭哈瑪爾獻馘于遼金人自此知遼之易與也是役也康宗最先登於是以先登并有功者為前行次以諸軍護俘獲歸所部穆宗朝遼主於漁所大被嘉賞授以使相錫予加等十年癸未二月穆宗還遼使使授從破哈里者官賞高麗始來通好十月二十九日穆宗卒年五十有一初諸部各有信牌穆宗用太祖議擅置牌號者寘于法自是號令乃一民聽不疑自景祖以來兩世四主志業相因卒定離析一切治以本部法

令東南至於伊勒呼海蘭扎蘭扎卜古倫東北至於五
國矩威圖塔金蓋盛於此天會十五年追諡孝平皇帝
廟號穆宗皇統四年號其藏曰獻陵五年增諡章順孝
平皇帝兄子康宗諱烏雅舒字茂祿完世祖長子也遼
清寧七年辛丑歲生乾統五年癸未襲節度使年四十
三穆宗末年阿蘇使德濟誘扇邊民海蘭甸人執送之
穆宗使碩碩歡撫納海蘭甸未行穆宗卒至是遣馬先
是高麗通好既而頗有隙高麗使來請議事使者至高

麗拒而不納五水之民附于高麗執團練使十四人語
在高麗傳中二年甲申高麗再來伐碩碩歡再破之高
麗復請和前所執團練十四人皆遣歸碩碩歡撫定邊
民而還蘇伯水民不聽命使威泰等至呼爾哈川召諸
官僚告諭鴻觀部蘇伯水齋沃赫貝勒不至威準部哲
爾德部既至復亡去烏塔遇二部於瑪奇嶺執之而來
遂伐沃赫克之威泰進至博齊赫攻拔歡塔城乃還四
年丙戌高麗遣黑歡方石來賀襲位遣博囉報之高麗

約還諸亡在彼者乃使阿古雙寬往受之高麗背約殺
二使築九城於海蘭甸以兵數萬來攻烏色敗之烏魯
亦築九城與高麗九城相對高麗復來攻烏色復敗之
高麗約以還逋逃之人退九城之軍復所侵故地九月
乃罷兵七年己丑歲不登減盜賊徵償振貧乏者十一
年癸巳康宗卒年五十三天會十五年追諡恭簡皇帝
皇統四年號其藏曰喬陵五年增諡康宗獻敏恭簡皇
帝

贊曰金之厥初兄弟三人亦微矣熙宗追帝祖宗定著
始祖景祖世祖廟世世不祧始祖娶六十之婦而生二
男一女豈非天耶景祖不受遼籍遼卽取雅達國相以
與其子世祖旣破和諾克薩克達遼政日衰而以太祖
屬之穆宗其思慮豈不深遠矣夫

金史卷一



總校官舉人臣章維桓

校對官編修臣章宗瀛

謄錄監生臣吳映熙